



IsiKolo seCawa sabancinane

Isihloko sesifundo: Ukudalwa kwehlabathi

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa sabancinane esithi **“Ukudalwa kwehlabathi”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	<p>Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS</p>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"> • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neeMpendulo (ngokukhethekileyo kwisiqinisekiso) <p>Qaphela:</p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasini ngaye (Pre SS, SS1, RI1 okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	<p>Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.</p>



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa sabancinane.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Nxibelelana kunye nomphathi webandla wesikolo seCawa okanye uTitshala.



Isifundo

Isihloko seSifundo	Ukudalwa kwehlabathi
Umbhalo weBhayibhile	Genesis 1
Injongo yesifundo	Abantwana bafunda ngayo yonke into eyadalwa nguThixo. Siyavuya ngokwahluka kwendalo nobuhle bendalo.

Isishwankathelo sesifundo:

- Ekuqaleni kwakungekho nto, umhlaba wawuzaliswe bubumnyama kuphela.
- UThixo wadala yonke into ngeentsuku nje ezi-6 kwaye ngomhla we-7 waphumla.
- Umhla woku 1 - UThixo wadala ukukhanya, wahlula ukukhanya ebumnyameni. Ukukhanya wakubiza ngokuba yimini, wathi ubumnyama bubusuku.
- Umhla wesi 2 - UThixo wadala isibhakabhaka, amanzi agubungela ihlabathi ngoko ke uThixo wenza idome yokwahlula amanzi nokuwagcina kwiindawo ezimbini ezahlukeneyo - ngaphezulu kophahla olungqukuva nangaphantsi kophahla olungqukuva. Wathi uThixo uphahla olungqukuva “sisibhakabhaka.”
- Umhla wesi-3 - UThixo wayalela ukuba amanzi angaphantsi kwesibhakabhaka aqokelelene endaweni enye kwaye umhlaba owomileyo wabonakala wabizwa ngokuba ngumhlaba. UThixo wadala ulwandle, imilambo, amachibi, iintaba nazo zonke iintlobo zezityalo zaveliswa ngumhlaba ngalo mhla.
- Umhla we 4 - UThixo wadala ilanga ukuba likhanye emini kwaye inyanga neenkwenkwezi zikhanyise ebusuku.
- Umhla wesi 5 - UThixo wadala zonke iintlobo zeentlanzi ukuba ziphile elwandle nazo zonke iintlobo zeentaka ukugcwalisa isibhakabhaka. UThixo wenza iintlanzi neentaka ukuze zikwazi ukuzala ukuze zande ngokwenani.
- Umhla wesi 6 - UThixo wadala zonke iintlobo zobomi zezilwanyana: zasekhaya nezasandle, ezinkulu nezincinci. Kwaye emva koko, uThixo wadala abantu, indoda nomfazi, ngokomfanekiso waKhe (ukuba babe njengaye). Zonke izilwanyana kunye nabantu banokuvelisa kwaye bandise inani.
- UThixo wabasikelela abantu ukuba bazilawule zonke izilwanyana, iintlanzi neentaka.
- UThixo wayijonga yonke into ayidalileyo kwaye wayoxola ngayo yonke loo nto kwaye ngomhla we-7, waphumla.



Sithetha ukuthini esi sifundo kuthi namhlanje?

- UThixo unokwenza nantoni na kwaye wazi yonke into. Unamandla amakhulu kwaye nguSomandla.
- UThixo wadala yonke into, nditsho nawe kunye nam, kwaye kufuneka siyikhangele kwaye siyikhusele indalo yakhe.
- UThixo uyasithanda, unolawulo kwaye kufuneka sisoloko sikholelwa kwaye simthembe.

Eminye imibuzo esinokuyibuza:

1. Wathabatha iintsuku ezingaphi ukuba uThixo adale izulu nomhlaba?
Ipendulo: iintsuku ezi-6
2. Wabadala ngoluphi usuku uThixo abantu?
Ipendulo: Ngosuku lwe-6
3. Ngubani uThixo awabenza bongamele izilwanyana, iintlanzi neentaka?
Ipendulo: ngabantu
4. Wenza ntoni uThixo ngomhla wesi-7?
Ipendulo: UThixo waphumla



Imithandazo Yethu

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngolunye usuku loThando noBubele baKho

Nceda sikelela umama notata uze usikelele iiNkokheli zethu nabo bonke abahlobo neentsapho

Siyathandaza ukuba sisoloko sikuxabisile nokuba sibe nokuthobela abazali bethu.

Sisikelele ukuze sibe nobubele nothando nokuba sibaphathe wonke umntu esidibana naye ngentlonipho nangobubele

Nceda usikelele isifundo sesiKolo seCawa kwaye sisoloko sikhumbula ukubulela ngokusichonga ukuba sibe ngabantwana baKhe

Sifuna ukuhlala sithembekile kwaye sithobekile kude ubuye usithabathele ekhaya kunye Nawe

Sikucela konke oku ngelihle igama laKho. Amen

Umthandazo emva kwesifundo:

Thixo othandekayo osezulwini.

Enkosi ngokusigcina sikhuselekile nokusivumela ukuba sive ibali elihle leBhayibhile.

Enkosi ngokusikhusela ngokusigcina sikhuselekile nakweyiphina ingozi.

Siyakucela sincede sisoloko sithobele umama notata nokuba sibe nobubele kumntu wonke esidinana naye. Siyakucela sincedise kumsebenzi wethu wasekhaya.

Sikelela iNtloko yethu yabaPostile, abaPostile nazo zonke iinkokheli, Siyakucela zigcine zikhuselekile xa zihamba ukuze zibenako ukusifundisa ngakumbi ngomsebezi wakho omkhulu, Thixo.

Siyakucela nceda bonke abantwana baKho, ngokukhethekileyo abo bagulayo nabo bangenakudla okanye indawo yokuzifihla.

Nceda ubuye kwamsinya usithabathele sonke ekhaya.

Sikucela konke oku, kungekuba sikusebenzele, kodwa egameni likaYesu. Amen